

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
Općina Novi Grad Sarajevo
Općinski načelnik
Broj: 02/12-19-12645/26
Sarajevo, 09.7.2026. godine

Na osnovu člana 64. stav (1) i člana 70. stav (1), (3) i (6) Zakona o javnim nabavkama BiH („Službeni glasnik BiH“, br. 39/14, 59/22 i 50/24) i Pravilnika o javnim nabavkama roba, vršenju usluga i ustupanju radova broj: 02/12-45-25701/22 od 10.12.2022. godine i broj 02/12-04-21075/24 od 23.8.2024. godine, a na preporuku Komisije za javnu nabavku radova, Općinski načelnik donosi:

ODLUKU

o izboru najpovoljnijeg ponuđača – Izvođenje radova na izgradnji dijela separatne kanalizacione mreže u ulici Viteška

I

Okvirni sporazum za javnu nabavku Izvođenje radova na izgradnji dijela separatne kanalizacione mreže u ulici Viteška (broj obavještenja 422-1-3-120-3-165/26 objavljeno na Portalu javnih nabavki dana 20.5.2026. godine i “Službenom glasniku BiH - Oglasnik javne nabavke” br. 36/26) dodjeljuje se ponuđaču "Mibral" d.o.o. Sarajevo sa ponudom u iznosu od 255.493,46 KM bez PDV-a, odnosno 298.927,35 KM sa PDV-om.

II

Zadužuje se Služba za zajedničke poslove da ovu Odluku objavi na web stranici Općine www.novigradsarajevo.ba, istovremeno sa upućivanjem iste ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama, te da nakon isteka žalbenog roka pripremi okvirni sporazum i dostavi Općinskom načelniku na potpis.

III

Obavezuje se ponuđač iz tačke I ove Odluke da dostavi dokumentaciju traženu tačkom 3.1.3. tenderske dokumentacije koja se odnose na član 45. stav (2) tačka od a) do d) Zakona. Dokazi koje će dostaviti odabrani ponuđač moraju biti originali ili ovjerene kopije i ne mogu biti stariji od 3 mjeseca, računajući od dana utvrđenog kao krajni rok za predaju ponuda.

Obrazloženje

Odlukom broj 02/12-19-12645/26 od 15.5.2026. godine Općina Novi Grad Sarajevo pokrenula je otvoreni postupak javne nabavke - Izvođenje radova na izgradnji dijela separatne kanalizacione mreže u ulici Viteška, broj obavještenja 422-1-3-120-3-165/26 objavljeno na Portalu javnih nabavki dana 20.5.2026. godine i “Službenom glasniku BiH- Oglasnik javne nabavke” br. 36/26.

Zapisnikom o otvaranju ponuda od 12.6.2026. godine Komisija je konstatovala da su u predviđenom roku, u propisno upakovanim kovertama, pristigle četiri (4) ponude ponuđača:

1. „Hydra“ d.o.o. Sarajevo, 2. “Mibral” d.o.o. Sarajevo, 3. „Ted invest” d.o.o. Sarajevo i 4. „Harysco” d.o.o. Sarajevo.

Nadalje, Komisija je pristupila analizi i ocjeni ponuda u skladu sa uslovima iz tenderske dokumentacije. Komisija je utvrdila da ponuda ponuđača „Hydra“ d.o.o. Sarajevo ne ispunjava kvalifikacioni uslov tražen u tenderskoj dokumentaciji iz tačke 3.4.1. (b) tehnička i profesionalna sposobnost - da ponuđač u radnom odnosu na neodređeno vrijeme ima zaposlenog jednog VSS

diplomiranog inženjera - građevinske ili arhitektonske struke sa položenim stručnim ispitom i najmanje 5 /pet/ godina radnog iskustva u struci;

Tačkom 3.4.2. (b) i (c) propisano je da se navedeno dokazuje na sljedeći način: *Dokaz izdat od PIO ili MIO ili Porezne uprave da ponuđač u radnom odnosu na neodređeno vrijeme ima zaposlenog jednog VSS diplomiranog inženjera - građevinske ili arhitektonske struke, sa datumom izdavanja koji nije stariji od 30 dana računajući od dana utvrđenog kao krajnji rok za predaju ponuda; (original ili ovjerena kopija) i dokaz o stručnoj spremi, položenom stručnom ispitu i radnom iskustvom za jednog VSS diplomiranog inženjera - građevinske ili arhitektonske struke iz tačke b) (original ili ovjerena kopija).* Ponuđač je na stranici 29. ponude dostavio potvrdu pravnog lica da je navedeni zaposlenik u radnom odnosu sa punim radnim vremenom i uvjerenje o stažu broj D-81/26 od 10.6.2026. godine za diplomiranog inženjera građevine. Komisija nije prihvatila predmetnu potvrdu jer se istom može dokazati samo radno iskustvo koje je imenovani stekao kod izdavaoca potvrde, odnosno kako je navedeno od dana 08.10.2025. godine, a što je manje od 5 godina kako je traženo tenderskom dokumentacijom. Izdavalac potvrde može izdavati potvrdu o evidencijama koje vodi, odnosno o radnom iskustvu koje je imenovani ostvario kod izdavaoca potvrde, a ne o radnom iskustvu koje je ostvareno kod drugog poslodavca.

Iz naprijed navedenog razloga utvrđeno je da ponuda ponuđača „Hydra“ d.o.o. Sarajevo ne ispunjava uslove tražene u tenderskoj dokumentaciji iz tačke 3.4.1. (b), odnosno da je ponuda nepravilna, te je ponuda odbačena shodno odredbama člana 68. stav (4) tačka i) Zakona o javnim nabavkama.

Komisija je utvrdila da ponuđač „Ted invest“ d.o.o. Sarajevo ne ispunjava kvalifikacioni uslov tražen u tenderskoj dokumentaciji iz tačke 3.4.1. (d) tehnička i profesionalna sposobnost - *da je ponuđač opremljen neophodnom opremom za obavljanje predmetnih radova: kamion kiper nosivosti do 8 tona - 2 kom., kamion kiper nosivosti od 8 do 20 tona - 2 kom., bager rovokopač do 8 tona - 1 kom., bager rovokopač od 8 do 20 tona - 1 kom, vibro nabijač za rov (skakavac) - 1 kom., rezač za asfalt i beton - 1 kom., pumpa za crpljenje vode - 1 kom., vibro ploča 200-600 kg - 1 kom., valjak od 2 do 8 tona - 1 kom., finišer - 1 kom., oplata za razupiranje rova (kumulsku) - 1 kom. 1 freza za asfalt - 1 kom.* Tačkom 3.3.2. (e) propisano je da se navedeno dokazuje na sljedeći način: *„Ocjena tehničke i profesionalne sposobnosti ponuđača će se izvršiti na osnovu slijedećih dokaza: d. Dokaz o obezbjeđenosti mehanizacije neophodne za obavljanje predmetnih radova: ... Kao dokaz se dostavlja izvod iz knjige osnovnih sredstava (sa označenom pozicijom tražene opreme i mehanizacije) ili ugovor o iznajmljivanju opreme i mehanizacije (original ili ovjerena kopija), uz ostalu traženu dokumentaciju - za kamione dostaviti ovjerene kopije važećih saobraćajnih dozvola; za radne mašine dostaviti ovjerene kopije važećih saobraćajnih ili upotrebni dozvola. Ukoliko iz upotrebne dozvole nisu vidljive važeće karakteristike mehanizacije potrebno je dostaviti zapisnik koji to dokazuje. (original ili ovjerena kopija).“*

Uvidom u dostavljenu ponudu ponuđača „Ted invest“ d.o.o. Sarajevo utvrđeno je da su za radne mašine kamion kipper (samoistovarivač) do 8 t, finišer, pumpu za crpljenje vode i frezu za asfalt na stranicama od 44-62 ponude dostavljene saobraćajne i upotrebne dozvole, te lista stalnih sredstava vlasnika „Orman“ d.o.o. Kiseljak, ali nije dostavljen ugovor o iznajmljivanju opreme i mehanizacije kako je to traženo tenderskom dokumentacijom.

Iz naprijed navedenog razloga utvrđeno je da ponuđač „Ted invest“ d.o.o. Sarajevo ne ispunjava uslove tražene u tenderskoj dokumentaciji iz tačke 3.4.1. (d) - tehnička i profesionalna sposobnost, odnosno da je ponuda nepravilna, te je ponuda odbačena shodno odredbama člana 68. stav (4) tačka i) Zakona o javnim nabavkama.

Komisija je utvrdila da ponuđač „Harysco“ d.o.o. Sarajevo ne ispunjava kvalifikacioni uslov tražen u tenderskoj dokumentaciji iz tačke 3.4.1. (d) tehnička i profesionalna sposobnost - *da je ponuđač opremljen neophodnom opremom za obavljanje predmetnih radova: kamion kiper nosivosti*

do 8 tona - 2 kom., kamion kiper nosivosti od 8 do 20 tona - 2 kom., bager rovokopač do 8 tona - 1 kom., bager rovokopač od 8 do 20 tona - 1 kom, vibro nabijač za rov (skakavac) - 1 kom., rezač za asfalt i beton - 1 kom., pumpa za crpljenje vode - 1 kom., vibro ploča 200-600 kg - 1 kom., valjak od 2 do 8 tona - 1 kom., finišer - 1 kom., oplata za razupiranje rova (kanalska) - 1 kom. i freza za asfalt - 1 kom. Tačkom 3.3.2. (e) propisano je da se navedeno dokazuje na sljedeći način: „Ocjena tehničke i profesionalne sposobnosti ponuđača će se izvršiti na osnovu slijedećih dokaza: d. Dokaz o obezbjedenosti mehanizacije neophodne za obavljanje predmetnih radova: ... Kao dokaz se dostavlja izvod iz knjige osnovnih sredstava (sa označenom pozicijom tražene opreme i mehanizacije) ili ugovor o iznajmljivanju opreme i mehanizacije (original ili ovjerena kopija), uz ostalu traženu dokumentaciju - za kamione dostaviti ovjerene kopije važećih saobraćajnih dozvola; za radne mašine dostaviti ovjerene kopije važećih saobraćajnih ili upotrebni dozvola. Ukoliko iz upotrebne dozvole nisu vidljive važeće karakteristike mehanizacije potrebno je dostaviti zapisnik koji to dokazuje. (original ili ovjerena kopija).”

Uvidom u dostavljenu ponudu ponuđača „Harysco“ d.o.o. Sarajevo utvrđeno je da je na stranici 42. ponude dostavljena saobraćajna dozvola za kamion samoistovarivač nosivosti od 19000 kg, u vlasništvu ponuđača Harysco d.o.o. Sarajevo, međutim za navedeni kamion (O56-E-516) je istekla registracija sa datumom 23.09.2024. godine, te je Komisija utvrdila da ponudač nije dostavio važeću saobraćajnu dozvolu za kamion kiper od 8 do 20 t kako je to traženo tenderskom dokumentacijom.

Iz naprijed navedenog razloga utvrđeno je da ponudač „Harysco“ d.o.o. Sarajevo ne ispunjava uslove tražene u tenderskoj dokumentaciji iz tačke 3.4.1. (d) – tehnička i profesionalna sposobnost, odnosno da je ponuda nepravilna, te je ponuda odbačena shodno odredbama člana 68. stav (4) tačka i) Zakona o javnim nabavkama.

Komisija je nadalje utvrdila da dostavljena ponuda ponuđača „Mibral“ d.o.o. Sarajevo ispunjavaja formalno-pravne i kvalifikacione uslove tražene u tenderskoj dokumentaciji. Komisija je izvršila računsku kontrolu ponude, te konstatovala računsku grešku kod ponuđača „Mibral“ d.o.o. Sarajevo. Ponudač „Mibral“ d.o.o. Sarajevo je dostavio saglasnost na ispravku računске greške broj 77-1.6.1-07/26 od 03.7.2026. godine.

Nakon što je Komisija utvrdila da je dostavljena jedna prihvatljiva ponuda, a da je obavještenjem o nabavci i tenderskom dokumentacijom bila predviđena e-aukcija, u skladu sa članom 4. stav (2) Pravilnika o uslovima i načinu korištenja e-aukcije, odlučeno je da će se predmetni postupak okončati u skladu sa članom 69. Zakona o javnim nabavkama BiH.

Imajući u vidu da je Komisija u cijelosti pravilno provela postupak i da je izbor ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom, to se prihvata preporuka Komisije za javnu nabavku radova, te je shodno odredbama člana 64. stav (1) tačka b) Zakona o javnim nabavkama odlučeno kao u dispozitivu.

Pouka o pravnom lijeku:

Protiv ove Odluke može se izjaviti žalba Uredu za ramatranje žalbi BiH putem ugovornog organa u roku od 10 (deset) dana od prijema Odluke. Žalba se podnosi u pisanoj formi u dovoljnom broju primjeraka u skladu sa članom 99. i 101. Zakona o javnim nabavkama.

Obradila: Anisa Bešagić, sekretar komisije

DOSTAVITI:

1. Ponuđačima u postupku
2. U spis
3. Komisija za javne nabavke radova

Općinski načelnik

mr. Semir Efendić